




Аймгийн хөгжлийн бодлогын төлөвлөгөөнд тусгасан хөрөнгө оруулалтын ажлуудыг хийсэн боловч дотоод хяналт хангалтгүй, урсгал зардалд зарцуулсан байна.



2017.04.21-ний өдөр

Чойбалсан хот

ОНХС-гийн хөрөнгийн эх үүсвэрийг хууль, журамд заасны дагуу төлөвлөж бүрдүүлсэн боловч сумдад хуваарилахдаа Төсвийн тухай хуулийн дагуу хуваарилаагүй байна.

- Монгол Улсын 2016 оны Төсвийн тухай хуулиар ОНХНС-гаас аймгийн ОНХС-д олгох орлогын шилжүүлгийг анх 5,1 тэрбум төгрөгөөр баталжээ.
- Аймгийн ОНХС-гаас сумдын ОНХС-д олгох орлогын шилжүүлгийг Засгийн газрын 2012 оны “Орон нутгийн төсвийн аргачлал батлах тухай” 30 дугаар тогтоолын 1 дүгээр хавсралтаар баталсан аргачлалын дагуу анх 60 хувь буюу 3,0 тэрбум төгрөгийг сумын ОНХС-нд, 40 хувь буюу 2.0 тэрбум төгрөгийг аймгийн ОНХС-нд олгохоор төлөвлөсөн байна.
- Улсын төсвийн орлогын бүрдүүлэлтээс шалтгаалан УИХ-аас Монгол Улсын 2016 оны төсөвт нэмэлт өөрчлөлт оруулах тухай хуулиар аймгийн ОНХС-д олгох орлогын шилжүүлгийг 4.1 тэрбум төгрөг буюу 894.7 сая төгрөгөөр бууруулан баталсан бөгөөд уг орлогын шилжүүлгийг аймаг, сумдад олгохоор төлөвлөхдөө сумдад 54.7 хувь буюу 2.2 тэрбум төгрөгийг, аймагт 45.3 хувь буюу 1.9 тэрбум төгрөгийг тооцож төлөвлөсөн байна.
- ОНХНС-гаас олгосон орлогын шилжүүлгийг хуваарилахдаа суманд 54.7 хувь буюу 2.2 тэрбум төгрөг, аймагт 45.3 хувь буюу 1.9 тэрбум төгрөгийг хуваарилж олгосон нь Төсвийн тухай хуулийн 59 дүгээр зүйлийн 59.2 дахь “Аймаг, нийслэл нь орон нутгийн хөгжлийн нэгдсэн сангаас олгосон шилжүүлгийн 60-аас доошгүй хувийг сум, дүүргийн хөгжлийн санд энэ хуулийн 59.3-т заасан үзүүлэлтийг харгалзан хуваарилна” гэсэн заалттай нийцэхгүй байна.



ОНХС-гийн хөрөнгийг хууль, журамд нийцэхгүй урсгал зардалд зарцуулсан байна.

- Аймгийн хэмжээнд ОНХС-гийн хөрөнгөөр 2016 онд 225 төрлийн 5.1 тэрбум төгрөгийн өртөгтэй төсөл, арга хэмжээг шинээр хэрэгжүүлэхээр тодотгож төлөвлөсөн нь орон нутгийн хөгжлийн бодлого, тэргүүлэх чиглэлтэй уялдсан байна.
- Аймгийн Хөрөнгө оруулалт, хөгжлийн бодлого төлөвлөлтийн хэлтэс нь ОНХС-гийн хөрөнгөөр хийгдэх төсөл, арга хэмжээний саналыг олон нийтэд нээлттэй, ил тод хэлэлцүүлж байгаа боловч, төсөл арга хэмжээний жагсаалтыг хууль, журамд заасны дагуу эрэмбэлж, үнэлэлт дүгнэлт өгөхгүйгээр аймгийн ИТХ-д өргөн мэдүүлж байна.

Аймгийн ОНХС-гийн хөрөнгө оруулалтаар 300.0 сая төгрөгийн төсөвт өртөг бүхий 3 хөрөнгө оруулалтыг ТЭЗҮ-гүйгээр баталсан байна.

- Тайлант онд шинээр төлөвлөгдсөн 4.0 тэрбум төгрөгийн өртөгтэй 185 төсөл арга хэмжээнээс зураг төсөв, ТЭЗҮ, техникийн тодорхойлолт шаардлагатай 1.8 тэрбум төгрөгийн 14 төсөл арга хэмжээ байна.
- Төсвийн ерөнхийлөн захирагч аймгийн ИТХ-д зураг төсөв, ТЭЗҮ, техникийн тодорхойлолтгүй 300.0 сая төгрөгийн 3 төсөл арга хэмжээг өргөн барьж батлуулсан байна.
- Тайлант хугацаанд ТЭЗҮ, өртгийн тооцоолол, зураг төсвийг гаргуулан хөрөнгө оруулалтын ажлуудыг гүйцэтгүүлж байгаа нь хянахад бэрхшээлтэй, чанаргүй хийгдэх зэрэг сөрөг үр дагаврыг бий болгож байна. Үүнд:
 - Өрхийн тариалан эрхлэлтийг дэмжих, дэд бүтэц татах -50.0 сая төгрөг
 - “Сургуулийн бүс”, “Цэцэрлэгийн бүс” төсөл хэрэгжүүлэх- 150.0 сая төгрөг
 - “Илч” хорооллын гудамжны тохижилт-100.0 сая төгрөг гэсэн зардлууд байна.

ОНХС-гийн хөрөнгө оруулалтаар худалдан авалт хийхдээ тендер шалгаруулалтын арга буруу сонгосон байна.

ОНХС-гийн хөрөнгөөр 2016 онд хэрэгжүүлсэн 4.0 тэрбум төгрөгийн төсөл арга хэмжээний сонгон шалгаруулалтыг дараах байдлаар зарласан байна.

ОНХС-гийн тендер худалдан авах ажиллагаа, сонгон шалгаруулалт

№	ОНХС	НТШ		ХТШ, ЗҮ		ХА		ШГБ		ХАА зохион байгуулаагүй	
		Тоо	өртөг	тоо	өртөг	тоо	өртөг	тоо	өртөг	тоо	өртөг
1	Аймгийн ОНХС	7	1'301.2	0	0	7	277.0	0	0	2	24.4
2	Сумдын ОНХС	7	485.2	1	48.0	26	553.8	89	671.6	46	600.6
	Дүн	14	1'786.4	1	48.0	33	830.8	89	671.6	48	625.0

Төсөвт өртөг нь 50.0 сая төгрөгөөс дээш 2 тоног төхөөрөмжийг худалдан авахдаа шууд худалдан авалтын аргаар гэрээ байгуулан санхүүжүүлсэн байна. Энэ нь Засгийн газрын 2013 оны 68 дугаар тогтоолын “төрийн болон орон нутгийн өмчийн хөрөнгөөр бараа, ажил, үйлчилгээ худалдан авах ажиллагаанд мөрдөх журмыг сонгоход баримтлах босго тогтоох тухай” журманд заасан “Төсөвт өртөг нь 50.0 саяас дээш бараа худалдан авахад нээлттэй тендер шалгаруулалтын арга хэрэглэнэ” гэсэн заалттай нийцэхгүй байна. Тухайлбал:


- Хөлөнбуйр сум 65.0 сая төгрөгийн төсөвт өртөгтэй “Дунд оврын униварсаль трактор”,
- Цагаан-Овоо сум 79.0 сая төгрөгийн төсөвт өртөгтэй “Униварсаль трактор”

Сумдууд нь ОНХС-гийн хөрөнгийн 38.6 сая төгрөгийг урсгал зардал зарцуулсан байна.


Аймгийн ОНХС-гийн хөрөнгөөр 2016 онд 2,0 тэр бум төгрөгийн төсөл арга хэмжээг хийхээр төлөвлөн баталсан байна. Эдгээр хөрөнгө оруулалтыг Төсвийн тухай хууль болон Сангийн Сайдын 2014 оны “Орон нутгийн хөгжлийн сангийн заавар”-ын 7.2 дахь заалтад нийцсэн байдлаар үзүүлбэл:

- 7.2.2. “Орон нутгийн өмчийн барилга байгууламжийн их засвар, шинээр өмч бий болгох, хөрөнгө оруулалт хийх”-д 94,6 сая төгрөг буюу 4,5%,
- 7.2.6. “Усан хангамж бохир ус цэвэрлэх байгууламж, орон сууц, нийтийн аж ахуй, үерийн хамгаалалтыг зохион байгуулах”-д 808,9 сая төгрөг буюу 38,6%,
- 7.2.7. “Нийтийн тээврийн үйлчилгээ үзүүлэх”-д 24.0 сая төгрөг буюу 1,,2%,
- 7.2.9. “Аймгийн доторх болон сум хоорондын авто зам, гүүр, тэдгээрийн гэрэлтүүлэг, гэрлэн дохио болон бусад холбогдох байгууламжийг бий болгох”-д 804,5 сая төгрөг буюу 38,3%,
- 7.2.10. “Аймгийн нутаг дэвсгэрийн хэмжээнд хийгдэх том хэмжээний тохижилт, нийтийн эзэмшлийн аж ахуйн үйлчилгээ, нийтийн ариун цэвэр , гудамж талбайн гэрэлтүүлэг, цэвэрлэгээ, хог зайлуулалтыг зохион байгуулах”-д 118,6 сая төгрөг буюу 5,7%,
- 7.2.11. “Аймгийн доторх өндөр хүчдэлийн болон цахилгааны шугам, дэд өртөөний ашиглалт, засвар үйлчилгээ, хэвийн үйл ажиллагааг хангах бусад үйл ажиллагааг хэрэгжүүлэх”-д 51,5 сая буюу 2,4%,
- 7.2.12. “Аймгийн төвд нийгэм-соёлын зориулалттай тохижилт”-д 147,1 сая төгрөг буюу 7%
- Улсын их баяр наадамд 50,0 сая төгрөг буюу 2,3%,

**Аймгийн ОНХС-гийн хөрөнгө оруулалтаар 2016 онд
гүйцэтгэсэн ажлыг харуулбал:**



- 7.2.2
- 7.2.6
- 7.2.7
- 7.2.9
- 7.2.10
- 7.2.11
- 7.2.12



Сумдын орон нутгийн хөгжлийн сангийн хөрөнгөөр хэрэгжүүлэхээр 2016 онд 2.3 тэрбум төгрөгийн төсөл арга хэмжээг төлөвлөн баталсан байна. Төсвийн тухай хууль болон Сангийн Сайдын 2014 оны 43 дугаар тушаалын 1 дүгээр хавсралтаар батлагдсан “Орон нутгийн хөгжлийн сангийн заавар”-ын 7.4 дэхь заалтаар сумдын 2016 онд шинээр хэрэгжүүлэхээр төлөвлөж, гэрээ байгуулсан төсөл арга хэмжээг багцалж үзүүлбэл:


- 7.4.1. “Сумдын нутаг дэвсгэр дэх нийтийн эзэмшлийн аж ахуйн үйлчилгээ, нийтийн ариун цэвэр, гудамж талбайн гэрэлтүүлэг, цэвэрлэгээ, хог зайлуулалтыг хийх” чиглэлд 524,4 сая төгрөг буюу 23,2%,
- 7.4.2. “Малжуулах” чиглэлд 17,4 сая төгрөг буюу 0,8%,
- 7.4.3. “Сумын нутаг дэвсгэрийн хэмжээнд бэлчээрийн менежмент хийх” чиглэлд 548,4 төгрөг сая буюу 24,2%,
- 7.4.4. “Сумын нутаг дэвсгэрийн байгаль орчныг хамгаалах” чиглэлд 20,6 сая төгрөг буюу 0,9%,
- 7.4.5. “Сумын доторхи нийтийн эзэмшлийн гэрэлтүүлгийн урсгал засвар, арчилгааг хийх, зохион байгуулах” чиглэлд 253,6 сая төгрөг буюу 11,2%,
- 7.4.6. “Сумын тохижилт, мод, ургамал цэцэрлэгжүүлэлт, явган зам, амралт болон хүүхдийн тоглоомын талбайг тохижуулах арчлах” чиглэлд 360,2 сая төгрөг буюу 15,9%,
- 7.4.7. “Хуульд заасан бусад чиг үүргийг хэрэгжүүлэх” чиглэлд 415,7 сая төгрөг буюу 18,3%,
- Үндэсний их баяр наадамд 85.8 сая төгрөг буюу 3,8%,

Сангийн Сайдын 2014 оны 43 дугаар тушаалаар баталсан “Орон нутгийн хөгжлийн сангийн заавар”-т нийцэхгүй 8 хөтөлбөр , төсөл арга хэмжээнд 38,6 сая төгрөгийг зарцуулсан байна.

- 4.3-д “Төсвийн тухай хуулийн 60.3-т заасан ОНХС-гаас зарцуулахыг хориглосон зүйлд зарцуулахгүй байх”,
- 4.4-д “Аймаг, нийслэл, сум, дүүргийн удирдлагыг хэрэгжүүлэх урсгал болон хөрөнгийн зардалд зарцуулахгүй байх”,
- 4.5-д “Орон нутгийн төсвийн бус байгууллагуудад ОНХС-гаас хөрөнгө зарцуулахгүй байх”

Тухайлбал:

- “Гамшгаас хамгаалах, урьдчилан сэргийлэх, үр дагаврыг арилгах үйл ажиллагааны зардал” буюу түймэр унтраах үеийн шатахуун болон хоол хүнсний зардалд Баян-Уул сум нь 12,5 сая төгрөг, Цагаан-Овоо сум 3,2 сая төгрөг.
- Матад сум “Хогны машины засвар”-т 4,7 сая төгрөг, “Мал эмнэлэгийн машин засвар”-т 2,0 сая төгрөг”, “Байгаль орчны сургалт”-д 1,8 сая төгрөг, “Ахмад, залуучууд, хөгжлийн бэрхшээлтэй иргэд, эмэгтэйчүүд ТББ”-д дэмжлэг 7,9 сая төгрөг, “Нийтийн биеийн тамир хөгжүүлэх”-д 4,3 сая төгрөг, “Боловсролыг дэмжих”-д 2,2 сая төгрөг нийт 22,9 сая төгрөгийг тус тус зарцуулсан байна.



ОНХС-гаас санхүүжүүлсэн арга хэмжээг бүртгэлд тусгах ажлыг хуулийн дагуу зохион байгуулсан боловч 365,3 сая төгрөгийн хөрөнгийн эзэмшигч тодорхойгүй байна.

Аймгийн ОНХС-гийн хөрөнгө оруулалтаар гүйцэтгэсэн Хэрлэн сумын 2, 5, 17, 25, 49, Дорнод Их сургуулийн багш нарын байрны дээврийн засвар, 50 дугаар байрны дээвэр, цэвэр, бохир усны шугамын засварын 365.3 сая төгрөгийн төсөвт өртөгтэй хөрөнгө оруулалтыг хүлээн авах эзэн тодорхойгүйгээс орлогоор хүлээн зөвшөөрч, капиталжуулаагүй байна.

Сумын ОНХС-гийн хөрөнгөөр хийгдсэн 89,3 сая төгрөгийн хөрөнгийг бүртгэл, тайланд орлогоор тусгаагүй нь Нягтлан бодох бүртгэлийн тухай хуулийн 14 дүгээр зүйлийн 14.4.2-д “бүх хөрөнгө, хөрөнгө оруулалт, авлага”-ыг заавал бүртгэнэ, Сангийн Сайдын 2014 оны 43 дугаар “Орон нутгийн хөгжлийн сангийн заавар”-ын 8.6-д “ОНХС-гийн хөрөнгөөр хэрэгжүүлсэн хөрөнгө оруулалтыг орон нутгийн өмчид бүртгэнэ” гэсэн заалтуудыг хэрэгжүүлэн ажиллаагүй байна. Үүнд:

- Баяндун сум нь сумын ерөнхий төлөвлөгөөнд 48,0 сая төгрөг, хогийн цэгийн хашаажуулалтад 20,6 сая төгрөг, худаг засварт /3 ш/ 9,0 сая төгрөг.
- Хөлөнбуйр сум нь сумын хөгжил илэрхийлсэн ном бүтээлгэхэд 1,7 сая төгрөг.
- Чулуунхороот сум нь Эрээнцав дахь гаалийн салбарын барилгын гадна талбайн засварт 10,0 сая төгрөг.



ОНХС-гийн зарцуулалтад тавих хяналт сул байгаагаас хөрөнгө оруулалтын хууль, журам хэрэгжихгүй байна.

Сангийн Сайдын 2014 оны 43 дугаар тушаалын 9.2-д “ОНХС-гаас оруулж байгаа хөрөнгө оруулалт, хэрэгжих хөтөлбөр, төсөл, арга хэмжээнд гүйцэтгэлийн, санхүүгийн, хяналт шалгалтыг дотоод аудитын алба хэрэгжүүлнэ.” гэж зааснаар санхүүгийн хяналт, аудитын алба нь ОНХС-гийн хөрөнгөөр хэрэгжүүлж буй хөрөнгө оруулалт, төсөл арга хэмжээнд хяналт шалгалтыг хийгээгүй байна.

Баяндун, Халхгол, Хэрлэн сумаас бусад сумдын ИТХ дэргэдээ Хяналтын хороо байгуулаагүй, 2016 оны ОНХС-гийн хөрөнгөөр хэрэгжүүлж буй төсөл арга хэмжээний төлөвлөлт, санхүүжилт, гүйцэтгэлийн явцад аймаг, сумдын ИТХ хяналт тавьж ажиллаагүй нь Сангийн Сайдын 2014 оны 43 дугаар тушаалаар батлагдсан “Орон нутгийн хөгжлийн сангийн заавар”-ын 9 дүгээр зүйлийн 9.1 дэх заалтыг хэрэгжүүлэхгүй байгааг харуулж байна.

Аймаг болон 14 сумаас 13 сум нь 2016 оны ОНХС-гийн хэрэгжилтийн тайланг аймгийн ЗДТГ-ын Хөрөнгө оруулалт, Хөгжлийн бодлого, төлөвлөлтийн хэлтэст ирүүлсэн, Гурванзагал сум огт ирүүлээгүй байна. Энэ нь Сангийн Сайдын 2014 оны 43 дугаар тушаалаар батлагдсан “Орон нутгийн хөгжлийн сангийн заавар”-ын 10.1 дэх заалтыг хэрэгжүүлээгүй байна.

- 
- Аймгийн ЗДТГ-ын Хөрөнгө оруулалт, Хөгжлийн бодлого, төлөвлөлтийн хэлтэс нь ОНХС-гийн хэрэгжилтийн байдалд үнэлэлт дүгнэлт өгөөгүй, цаашид хэрэгжүүлэх санал, зөвлөмжийг сум бүрээр гаргаагүй, үр дүнгийн тайланг Сангийн Яамны Орон нутгийн хөгжлийн нэгдсэн сангийн хэлтэст хүргүүлээгүй нь Сангийн Сайдын 2014 оны 43 дугаар тушаалаар батлагдсан “Орон нутгийн хөгжлийн сангийн заавар”-ын 10.2 дахь “Ажлын хэсэг ОНХС-гийн хэрэгжилтийн байдалд дүгнэлт өгөн, цаашид хэрэгжүүлэх арга хэмжээний санал, зөвлөмжийг сум, дүүрэг бүрээр гарган аймаг, нийслэлийн Засаг даргад танилцуулж, шаардлагатай бол тухайн шатны ИТХ-аар жил бүрийн 02 дугаар сарын 25-ны дотор хэлэлцүүлнэ”, 10.3 дахь “Аймаг, нийслэл ОНХС-гийн хэрэгжилтийн үр дүнгийн жилийн тайлан, гарсан санал зөвлөмжийн хамт жил бүрийн 03 дугаар сарын 10-ны дотор Сангийн Яамны Орон нутгийн хөгжлийн нэгдсэн сангийн хэлтэст ирүүлнэ” гэсэн заалтуудыг хэрэгжүүлэн ажиллаагүй байна.

Өмнөх зөвлөмжийн хэрэгжилт:

- Өмнөх онд хийсэн аудитаар нийт 10,5 сая төгрөгийн 3 төлбөрийн акт, 39,4 сая төгрөгийн 8 албан шаардлага, 10 зөвлөмжийг өгсөн. Үүнээс төлбөрийн актыг 100 хувь, албан шаардлагыг 100 хувь, зөвлөмжийн 80 хувийг хэрэгжүүлсэн байна.
- 2015 оны ОНХС-гийн хөрөнгийн зарцуулалтад хийсэн аудитаар тогтоосон акт, албан шаардлагыг бүрэн хэрэгжүүлэн ажилласан байна.
- Харин 2014 оны ОНХС-гийн зарцуулалтад хийсэн аудитаар тавигдсан төлбөрийн актын биелэлт хангалтгүй байна. Үүнээс:
 - Сэргэлэн суманд “Ахмадын өргөө” барих ажлын гүйцэтгэгчээр шалгарсан “Мэдрэхүйн мэлмий” ХХК-д олгосон санхүүжилтийн 18,7 сая төгрөгийн актыг сумын удирдлагаас тус компанийг шүүхэд өгч байгаа гэх албан бичиг ирүүлсэн боловч одоог хүртэл актыг биелүүлээгүй,
 - Цагаан-Овоо суманд Төсвийн тухай хуулийн 58 дугаар зүйлийн 58.4, Сангийн Сайдын 2014 оны 43 дугаар тушаалаар баталсан “Орон нутгийн хөгжлийн сангийн заавар”-ыг зөрчсөнд тавьсан 1.5 сая төгрөгийн актыг одоог хүртэл барагдуулаагүй.
 - Хэрлэн суманд иргэдийн саналаар дэмжигдээгүй хөрөнгө оруулалт хийгдсэн 67,3 сая төгрөгийн төлбөрийн актыг мөн одоог хүртэл барагдуулаагүй, барагдуулах арга хэмжээ авч ажиллаагүй байна.

ДҮГНЭЛТ

Аудитын явцад цуглуулсан нотлох зүйлс, аудитын дүнд үндэслэн дараах дүгнэлтийг хийж байна. Үүнд:

1. ОНХНС-гаас олгох орлогын шилжүүлгийг хуульд заасны дагуу хуваарилаагүй байна.
2. ОНХС-гийн хөрөнгө оруулалтыг аймгийн хөгжлийн бодлогын төлөвлөгөөтэй уялдуулсан байна.
3. Баян-Уул, Матад, Цагаан-Овоо сумын ЗДТГ нь хуульд нийцэхгүй хөтөлбөр, урсгал зардалд 33,9 сая төгрөгийг зарцуулахаар сумын ИТХ-д өргөн барьж, ИТХ нь баталж, сумын ЗДТГ нь санхүүжүүлсэн байна.
4. ТЭЗҮ-гүй 300.0 сая төгрөгийн төсөвт өртөг бүхий 3 хөрөнгө оруулалтыг аймгийн ОНХС-гаар хийхээр баталсан.
5. Хөлөнбуйр, Цагаан-Овоо сумд нь 144,0 сая төгрөгийн тоног төхөөрөмжийн худалдан авалтын аргыг буруу сонгосон.
6. Баян-Уул сум 12,5 сая төгрөг, Цагаан-Овоо сум 3,2 сая төгрөг, Матад сум 22,9 сая төгрөг нийт 8 хөтөлбөрт 38,6 сая төгрөгийн урсгал зардлыг санхүүжүүлсэн.
7. ГХБХБГ болон МХГ-ууд нь захиалагчийн хяналтыг тавьж ажилласан байна.
8. Чулуунхороот суманд 10.0 сая төгрөг, аймгийн ОНХС-гаар хийгдсэн 355.3 сая төгрөгийн хөрөнгө оруулалтыг эзэмшигч тодорхойгүйгээс бүртгэлд тусгаагүй байна.
9. Аймаг сумын ИТХ-аас ОНХС-гийн хэрэгжилтийн явцад хяналт тавьж ажиллаагүй байна.
10. ОНХС-гийн хэрэгжилтийн байдалд эрх бүхий байгууллагууд хяналт тавьж ажиллаагүй, дүн шинжилгээ хийгээгүй байна.
11. ОНХС-гийн хөрөнгөөр хэрэгжүүлж буй хөрөнгө оруулалт, хөтөлбөр, төсөл арга хэмжээний мэдээллийг зааврын дагуу мэдээлсэн байна.

ЗӨВЛӨМЖ

Аудитын дүн дүгнэлтэд үндэслэн дараах арга хэмжээг авч хэрэгжүүлэхийг дор дурдсан албан тушаалтнуудад зөвлөж байна. Үүнд:

Аймгийн ИТХ-ын дарга Л.Хишигтогтох-д:

1. ТЭЗҮ-гүй хөрөнгө оруулалт, төсөл арга хэмжээг батлахгүй байх.
2. ОНХС-гийн хэрэгжилтэд хяналт тавих Хяналтын хороог байгуулж, хяналт хэрэгжүүлж ажиллах.

Аймгийн Засаг дарга М.Бадамсүрэнд:

1. Аймгийн ОНХС-гаас сумын ОНХС-д олгох орлогын шилжүүлгийг хуульд заасны дагуу хуваарилах, батлагдсан хуваарийн дагуу олгох.
2. ОНХС-гийн хөрөнгөөр хийгдсэн дээвэр, цэвэр, бохир усны шугамын засварын ажлуудыг бүртгэл, тайланд тусгах, эзэмшигчийг тодорхойлох.
3. Сангийн Сайдын 2014 оны 43 дугаар тушаалаар баталсан “Орон нутгийн хөгжлийн сангийн заавар”-т заасны дагуу сумдын ОНХС-гийн хэрэгжилтийн тайланд дүн шинжилгээ хийж ажиллах.

Сумдын ИТХ-ын дарга нарт:

1. ОНХС-гийн хөрөнгө оруулалтын төлөвлөгөөг батлахдаа хууль журамд нийцээгүй төсөл арга хэмжээг батлахгүй байх.
2. ИТХ-аас ОНХС-гийн хэрэгжилтийн явцад хяналт хэрэгжүүлж ажиллах.

Сумдын Засаг дарга нарт:

1. ОНХС-гийн хөрөнгө оруулалтыг төлөвлөхдөө иргэдийн санал аваагүй төсөл, арга хэмжээг ИТХ-д өргөн барихгүй байх.
2. Баян-Уул, Цагаан-Овоо, Матад сумд урсгал зардлыг санхүүжүүлсэн 38,6 сая төгрөгийн төлбөрийг актыг барагдуулан ажиллах.
3. Монгол Улсын ТБОНӨХБАҮХАТ хуульд заасны дагуу худалдан авалтын аргыг сонгож байх.
4. ОНХС-гийн хөрөнгө оруулалтаар хийгдсэн 10,0 сая төгрөгийн хөрөнгө оруулалтыг данс бүртгэлд тусгах.



***АНХААРАЛ ХАНДУУЛСАН
ТА БҮХЭНД БАЯРЛАЛАА***